



# Di libi ku di diniwooko fuu kuma Keesitu sēmbē

## KOMAKANDI-BUKU

### Fasi fa u sa bigi wan takimakandi

#### TE I MITI WAN SĒMBĒ DI FOSU PASI

Hakisi: Unfa u sa ko sabi andi o pasa a di ten di ta ko?

Tēkisi: **Jes 46:10**

Hakisi fii sa toona go baka: Un tjabukama woto u ta si ta pasa a di ten aki?

GO SUKU DI TĒKISI AKI A DEE BUKU DEE U TA LEI SĒMBĒ SONI U BĒIBEL:



- *bh* bld. 30, 31 pal. 2
- *fg* woto 3 pal. 2

#### FOSU PASI DI JOO GO BAKA

Hakisi: Un tjabukama woto u ta si ta pasa a di ten aki?

Tēkisi: **2Ti 3:1-5**

Hakisi fii sa toona go baka: Un gaan bunu Gadu paamusi u taa sēmbē o feni a di ten di ta ko?

GO SUKU DI TĒKISI AKI A DEE BUKU DEE U TA LEI SĒMBĒ SONI U BĒIBEL:



- *bh* bld. 104 pal. 10
- *fg* woto 1 pal. 3

#### DI U TU PASI DI JOO TOONA GO BAKA

Hakisi: Un gaan bunu Gadu paamusi u taa sēmbē o feni a di ten di ta ko?

Tēkisi: **Jes 65:21-23**

Hakisi fii sa toona go baka: Unfa di Womi Mii u Gadu o mbei u feni hii dee gaan bunu aki?

GO SUKU DI TĒKISI AKI A DEE BUKU DEE U TA LEI SĒMBĒ SONI U BĒIBEL:



- *bh* bld. 38 pal. 20

- Kanda 14 ku begi
- Soni di di fesima o taki a bigi u di komakandi (1 min.)

## DEE GUDU DEE DĒ A DI WÖUTU U GADU

- „Wan buka di nama ku i”: (10 min.)  
Ke 12:1, 2—Jehovah bi paamusi Abam (Abahamu) taa a o mbei a feni gaan bunu (*it-2-O* bld. 1093 pal. 3)  
Ke 12:3—’Hii dee sêmbê u di goonliba o feni gaan bunu u [Abahamu] hedi’ (*w89-SR* 1/7 bld. 3, 4 pal. 4)  
Ke 13:14-17—Jehovah bi lei Abahamu di kôndê di dee bakamii fêên bi o feni (*it-2-O* bld. 1256 pal. 8)
- Diki go mōön fundu: (10 min.)  
Ke 13:8, 9—Unfa u sa djeesi Abahamu te u musu seeka wan toobi? (*w16.05* bld. 10 pal. 12)

Ke 14:18-20—Na un futu Leifi seei bi paka di u teni pisi u dee soni di a abi, di Abahamu bi ta paka Melikiseideki di u teni pisi u dee soni dee a bi abi? (Heb 7:4-10; *it-2-O* bld. 641 pal. 4)

Andi i lei a di lesi pisi u Bëibel u di wiki aki di nama ku Jehovah Gadu, ku di pelekiwooko, nasö andi da wan woto soni di i feni?

- Lesipisi u Bëibel: (na pasa 4 min.) Ke 12:1-20 (10)

## MBEI MÖITI U KO TOON WAN MÖÖN BUNU PELEIKIMA

- Ko toon wan mōön bunu lesima ku wan mōön bunu lei-ma: (10 min.) Takimakandi. Pëë di fêlön *Heepi sêmbê u de ko fusutan dee mōön fanöudu soni*, nöö baka di dë, taki u woto 14 u di *Da lei*-brochure.
- Wan taki: (na pasa 5 min.) *w12-SR* 1/1 bld. 8—Në: Faandi mbei Jehovah ku Abahamu bi ta si Sala kuma wan bunu mujêê? (14)

## DI LIBI FUU KUMA KEESITU SĒMBĒ


- Kanda 144
- „Andi i sa lei a dee Broadcasting kanda?”: (10 min.) Takimakandi. Pëë di fêlön u di kanda *Da mi degihati*.
- Soni di di kemeente abi fanöudu: (5 min.)
- Kemeente Bëibel-lei: (30 min.) *jy-SR* woto 102
- Soni di di fesima o taki a kaba u di komakandi (na pasa 3 min.)
- Kanda 15 ku begi

## KENESESI 12-14 | Wan buka di nama ku i



### 12:1-3; 13:14-17

- Jehovah bi mbei wan buka ku Abahamu, nöö di soni dë hën mbei taa Gadu bi seti di Kônukôndê u liba ala
- A kan taa di buka aki bigi wooke a di jaa 1943 Bi.K. di Abahamu aba di lio de kai Efaata u go a Kaana
- Di buka o ta wooke jeti u te kuma di Mësiasi Kônukôndê puu hii dee felantima u Gadu a pasi, nöö a mbei hii libisêmbê a goonliba feni gaan bunu

 Jehovah bi mbei Abahamu feni gaan bunu u di a bi abi wan taanga biibi. Te u ta lei taa u ta biibi dee soni dee Jehovah paamusi u, nöö un gaan bunu woo feni u di buka di Gadu bi mbei ku Abahamu?

## Andi i sa lei a dee Broadcasting kanda?



Undi ku undi Broadcasting kanda i möön lobi? Nöö faandi mbei? I si kuma dee fêlön u dee kanda nama ku dee soni dee ta pasa a di libi fuu ö? U di dee kanda ta abi tookatooka nê, söseei u di de ta kanda de a tookatooka fasi, mbei hiniwan sêmbê sa feni wan di a lobi. Ma dee fêlön u dee Broadcasting kanda an ta mbei u ta piizii nöö.

Hiniwan u dee Broadcasting kanda ta lei u wan fanöudu soni di u sa du a di libi fuu kuma Keesitu sêmbê, söseei di u sa du a di peleiki-wooko. So u dee kanda ta lei u fuu ta tei sêmbê ku wai a wosu, fuu ta libi makandi kuma wan famii, fuu dê mati ku useei, fuu ta da wotowan degihati, fuu lobi wotowan, söseei fuu ko abi wan taanga bii-bi. Wotowan ta taki u di toona di sêmbê musu toona ko a Jehovah, u da wotowan paadon, u dini Jehovah hiniwan daka ku hii u hati, söseei u buta maaka di u kë dou a di dini u Gadu. Wan Broadcasting kanda dê tu di ta lei unfa u musu ta wooko ku di têlêfön fuu. Un woto soni i lei a dee Broadcasting kanda?

### LUKU DI FÊLÖN U DI KANDA DA MI DEGIHATI, NÖÖ BAKA DI DÊ, PIKI DEE HAKISI AKI:

- Un soni ta miti dee baaa ku dee sisa a di fêlön ka de musu lei taa de abi degihati?

---



---

- Fuun soni dee baaa ku dee sisa bi dê seiki?—Ke 14:20

---



---

- Andi o miti u a di ten di ta ko?

---



---

- Andi o heepi u fuu abi degihati aluwasi andi o miti u? —2Kön 6:16

---



---

### SONI DI U SA DU A DI WOSUDENDU DINI

Luku dee fêlön u dee Broadcas-ting kanda aki, nöö baka di dê, piki dee tu hakisi aki: Andi u ta lei a dee fêlön aki? Unfa mi sa du de a mi libi?

- *Da mi degihati*
- *Gi makandra pardon*
- *Mi o de na yu sei*
- *No tan na baka!*

- Kanda 39 ku begi
- Soni di di fesima o taki a bigi u di komakandi (1 min.)

**DEE GUDU DEE DĒ A DI WÖUTU U GADU**

- „Faandi mbei Jehovah bi tooka di në u Abam ku Salai?\": (10 min.)  
Ke 15:6—Jehovah bi ta si Abam kuma wan sêmbê di bi ta libi a wan leti fasi, hii fa a bi dē wan zöndu libisêmbê (w02-SR 1/6 bld. 16, 17 pal. 15)  
Ke 17:3-5—Abam bi ko abi di në Abahamu (it-1-O bld. 40 pal. 6)  
Ke 17:15, 16—Salai bi ko abi di në Sala (w09-O 1/2 bld. 13)
- Diki go mōön fundu: (10 min.)  
Ke 15:13, 14—Na un ten dee 400 jaa u pena bi bigi, nõö na un ten de bi kaba? (it-1-O bld. 434-435)

Ke 16:2—A bi fiti taa Salai bi tei di mujêê futu boi fêên di de ta kai Hagali da Abam faa dē mujêê fêên u? (w04-SR 15/1 bld. 27 pal. 2)

Andi i lei a di lesi pisi u Bêibel u di wiki aki di nama ku Jehovah Gadu, ku di peleikiwooko, nasö andi da wan woto soni di i feni?

- Lesipisi u Bêibel: (na pasa 4 min.) Ke 15:1-21 (10)

**MBEI MÖITI U KO TOON WAN MÖÖN BUNU PELEIKIMA**

- Fêlön u di fosu pasi te i miti wan sêmbê: (4 min.) Takimakandi. Pêê di fêlön, nõö baka di dē, buta dee hakisi aki da dee haikama: Unfa di peleikima aki bi wooko ku hakisi a wan bunu fasi? Andi a bi du u mbei di sêmbê fusutan di soni di a bi kê lei ên?
- Te i miti wan sêmbê di fosu pasi: (na pasa 3 min.) Bigi wan takimakandi ku wan sêmbê kumafa a sikifi a di pisi „Fasi fa u sa bigi wan takimakandi”. Lei andi u sa du te wan sêmbê taki wan soni di de guwenti u taki te de an kê haika. (3)
- Te i miti wan sêmbê di fosu pasi: (na pasa 5 min.) Bigi wan takimakandi ku wan sêmbê kumafa a sikifi a di pisi „Fasi fa u sa bigi wan takimakandi”, baka di dē, dêên di *Bunu buka*-brochure, nõö bigi wan studie ku ên ku woto 3. (6)

**DI LIBI FUU KUMA KEESITU SÊMBÊ**

- Kanda 131
- „Unfa wan womi ku hên mujêê di tööu sa mbei soni ta waka mōön bunu a di tööu libi u de?\": (15 min.) Takimakandi. Pêê di fêlön *Unfa i sa mbei di tööu libi fii ko mōön bunu* (go a fêlön WOSUDENDU LIBI).
- Kemeente Bêibel-lei: (30 min.) jy-SR woto 103
- Soni di di fesima o taki a kaba u di komakandi (na pasa 3 min.)
- Kanda 92 ku begi

KENESESI 15-17 | Faandi mbei Jehovah bi tooka di në u Abam ku Salai?

**17:1, 3-5, 15, 16**

Jehovah bi ta si Abam kuma wan sêmbê di an bi ta mbei föutu. Di a bi konda mōön soni da Abam u di soni di a bi paamusi ên, hên a bi da Abam ku Salai në, di bi nama ku tjabukama woto.

Kumafa di në u de bi kê taki, nõö Abahamu bi ko dē di tata u sômëni nasiön, nõö Sala bi ko dē di avo u sômëni kõnu.



**Abahamu**  
Di Tata u te a hia sêmbê



**Sala**  
Kõnu mujêê mii



✍ Na useei hên ta tei në te de pai u. Ma leti kuma Abahamu ku Sala, u sa du soni u ko abi wan bunu në a wotowan. Hakisi iseei dee soni aki:

‘Andi mi musu du u Jehovah ta si mi kuma wan sêmbê di an ta mbei föutu?’

‘Un pei në mi abi a Jehovah?’

## Unfa wan womi ku hën mujëe di tööu sa mbei soni ta waka möön bunu a di tööu libi u de?

Abahamu ku Sala da sëmbë di u sa djeesi a di tööu libi, u di de bi lobi deseei, nöö de bi ta lesipeki deseei (Ke 12:11-13; 1Pe 3:6). Ma, di tööu libi u de an bi dë söndö booko hedi, söseei sömëni tesi bi miti de a di libi. Andi wan womi ku wan mujëe di tööu sa lei u Abahamu ku Sala?

Un musu ta fan ku unuseei. Piki a wan sutifasi te i manu nasö i mujëe taki wan soni di hati i u di hati fëen boonu (Ke 16:5, 6). See-ka soni fuun ta dë makandi. Be i mujëe nasö i manu si taa i lobi ën ku dee soni dee i ta du, söseei ku dee soni dee i ta taki. Ma di möön fanöudu soni, hën da hii unu tuu musu ta mbei möiti u dë mati ku Jehovah u di woon ta lei soni u Bëibel makandi, ta begi makandi, söseei ta dini Jehovah makandi (Pel 4:12). Wan bunu tööu libi ta tja gafa ko da Jehovah, di Sëmbë di seti di santa soni aki.



### LUKU DI FËLÖN UNFA I SA MBEI DI TÖÖU LIBI FII KO MÖÖN BUNU, NÖÖ BAKA DI DË, PIKI DEE HAKISI AKI:

- Andi da wantu soni di i bi si a di fëlön di bi lei taa pikipiki Shaan ku Kaira an bi lobi deseei sö möön?



- Faandi mbei a dë fanöudu taa sëmbë di tööu ta piki deseei unfa de ta fii tuutuu?



- Unfa di woto u Abahamu ku Sala bi heepi Shaan ku Kaira?

- Andi Shaan ku Kaira bi du u di tööu libi u de ko möön bunu?

- Faandi mbei wan womi ku hën mujëe di tööu an musu dë ku di pakisei taa hii juu soni o ta waka bunu a di tööu libi u de?

**I sa mbei di tööu libi fii ko möön bunu!**

Ee i kë sabi andi i musu du u mbei di tööu libi fii ko möön bunu, nöö luku dee woto aki a di *Piizii wosudendu*-brochure:

„Unfa i sa kiija di mii fii”—Woto 7

„Te gaan fuka miti unu”—Woto 8

„Andi un sa du te un abi bookohedi a di tooo libi”—Woto 3

„Wan paati ku unuseei”—Woto 2

„Unfa i sa libi bunu ku dee famii fii”—Woto 5

- Kanda 1 ku begi
- Soni di di fesima u di komakandi o taki (1 min.)

**DEE GUDU DEE DĒ A DI WÖUTU U GADU**

- „’Di Kuutuma u hii di goonliba’ poi Sodom ku Gomola”: (10 min.)

Ke 18:23-25—Abahamu bi dē seiki taa hii juu Jehovah ta kuutu soni a wan leti fasi (w17.04 bld. 15 pal. 1)

Ke 18:32—Jehovah bi buta taa an o poi Sodom möön ee teni bunuhati sēmbē bi ta libi ala (w18.08 bld. 29 pal. 5)

Ke 19:24, 25—Jehovah bi poi Sodom ku Gomola u di dee sēmbē u dee foto aki bi ta du hogi soni (w10-SR 15/11 bld. 26 pal. 12)

- **Diki go möön fundu:** (10 min.)  
Ke 18:1, 22—Unfa a du ko taa „Jehovah bi mbei Abahamu si ěn”, hĕn „a fika” ku Abahamu? (w88-O 15/5 bld. 23 pal. 5, 6)

Ke 19:26—Faandi mbei di mujĕĕ u Lotu bi toon wan „satu pobiki”? (w19.06 bld. 20, 21 pal. 3)

Andi i lei a di lesi pisi u Bĕibel u di wiki aki di nama ku Jehovah Gadu, ku di peleikiwooko, nasō andi da wan woto soni di i feni?

- **Lesipisi u Bĕibel:** (na pasa 4 min.) Ke 18:1-19 (12)

**MBEI MÖITI U KO TOON WAN MÖÖN BUNU PELEIKIMA**

- **Fĕlön u di fosu pasi te joo go baka:** (5 min.) Takimakandi. Pĕĕ di fĕlön, nõö baka di dĕ, buta dee hakisi aki da dee haikama: Andi da wan bunu soni di peleikima bi du ufō a bi lesi di tĕkisi da di sĕmbĕ? Andi a bi du u tja dee möön fanōudu pisi u di tĕkisi ko gbelingbelin a fesi?
- **Fosu pasi di joo go baka:** (na pasa 3 min.) Du ěn kumafa a sikifi a di pisi „Fasi fa u sa bigi wan takimakandi”. (6)
- **Fosu pasi di joo go baka:** (na pasa 5 min.) Bigi wan takimakandi ku wan sĕmbĕ kumafa a sikifi a di pisi „Fasi fa u sa bigi wan takimakandi”, nõö baka di dĕ, dĕĕn di *Bĕibel lei*-buku, nõö taki u di peentje di dĕ a bladsĕidĕ 102, 103. (9)

**DI LIBI FUU KUMA KEESITU SĔMBĔ**

- Kanda 35
- „I ta feni wini u di piki buku *Öndösuku Gadu Wöutu hiniwan daka u?*”: (15 min.) Takimakandi. Pĕĕ di fĕlön *Na lobi di goonliba* (1Jo 2:15) (go a fĕlön APAITI KOMAKANDI KU GAAN KOMAKANDI).
- **Kemeente Bĕibel-lei:** (30 min.) jy-SR woto 104
- Soni di di fesima o taki a kaba u di komakandi (na pasa 3 min.)
- Kanda 2 ku begi

KENESESI 18, 19 | 'Di Kuutuma u hii di goonliba' poi Sodom ku Gomola

**18:23-25, 32; 19:24, 25**

Andi u ta lei u di soni di Jehovah bi du ku Sodom ku Gomola?

- Jehovah an o dĕ ta luku fa sĕmbĕ ta du hogihati soni u nõömō
- Dee sĕmbĕ dee o pasa di kuutu daka libilibi, da dee sĕmbĕ dee bi buta pakisei a di kĕ u Gadu, sōseei dee bi ta du di kĕ fĕĕn.—Lu 17:28-30

**HAKISI ISEEI DI SONI AKI:** 'Di fasi fa dee sĕmbĕ u di hogi goonliba aki ta tja deseei ta da mi bookohedi ö?' (2Pe 2:7) 'Di fasi fa mi ta libi ta lei taa di kĕ u Jehovah da di möön fanōudu soni da mi ö?'



## I ta feni wini u di piki buku *Öndösuku Gadu Wöutu hiniwan daka u?*

I abi di guwenti u ta lesi di təkisi ku di piki di ta dē a di buku *Öndösuku Gadu Wöutu hiniwan daka* fii ku Jehovah sa ko dē möön gaan mati ö? Ee ja ta du ən, i sa seti soni fii ta du ən hiniwan daka u? Sömēni sēmbē ta lesi ən hiniwan daka a mamate, sō taa de sa ta pakisei fēən te de ta du dee woto soni u de a di daka dendu (Jos 1:8; Ps 119:97). Ma unfa i sa feni möön wini u di təkisi u di daka? Lesi dee woto vers dee dē a di kapitē u di təkisi u di daka dē, fii ko sabi möön soni fēən. Pooba u pakisei u wan woto a Bēibel di o heepi i fii fusutan di soni di di təkisi kē lei u. Baka di dē, du di soni di i lei. Te i ta mbei di Wöutu u Gadu ta tii i a hii soni di i ta du, nöö joo sabi unfa i musu libi, söseei a o mbei soni ta waka bunu da i. —Ps 119:105.

Hii dee sēmbē dee ta wooko a Bētēli ta lesi di piki buku *Öndösuku Gadu Wöutu hiniwan daka*, a mamate te de ta njan. A dee jaa pasa aki, nöö de buta sömēni u dee taki di de ta hoi a di daka wöutu a JW Broadcasting a di pisi APAITI KOMAKANDI KU GAAN KOMAKANDI. Na un ten bi dē di lasiti pasi di i bi luku wan nasö möön leki wan u dee taki aki? Kandē dee soni di joo jei a so u dee taki aki da soni di i abi tuutu fanöudu. Unfa di woto u Lotu bi o sa heepi i te i kē du wan soni?

### LUKU DI FĒLON NA LOBI DI GOONLIBA (1JO 2:15), BAKA DI DĒ, NÖÖ PIKI DEE HAKISI AKI:

- Un mama wēti u Bēibel bi tii di taki di de bi hoi a di daka wöutu u di mamate aki?

---



---

- Unfa di woto u Lotu ta lei u un hogi sa miti u te u lobi di goonliba nasö dee soni u di goonliba?—Ke 13:12; 14:12; 19:3, 12, 13, 24-26

---



---

- Unfa u ta lei taa u lobi Jehovah, ma na di goonliba nasö dee soni dee dē a di goonliba?

---



---



**Unfa mi sa lei a hii di daka taa di Wöutu u Gadu dē gaan soni da mi?**

- Kanda 108 ku begi
- Soni di di fesima o taki a bigi u di komakandi (1 min.)

**DEE GUDU DEE DĒ A DI WÖUTU U GADU**

- „Hii juu Jehovah ta du andi a paamusi”: (10 min.)  
Ke 21:1-3—Sala bi ko dë ku bëë, hën a pai wan womi mii (wp17.5-SR bld. 14, 15)  
Ke 21:5-7—Jehovah bi mbei di soni di bi djei kuma an bi o sa pasa, pasa tuutuu  
Ke 21:10-12, 14—Abahamu ku Sala bi ta biibi taanga taa di soni di Jehovah bi paamusi de di nama ku Isaki, bi o pasa tuutuu
- Diki go möön fundu: (10 min.)  
Ke 20:12—Unfa Sala bi dë Abahamu sisa? (wp17.3-SR bld. 12, futuwortu.)

Ke 21:33—Unfa Abahamu bi „gafa di në u Jehovah”? (w89-SR 1/7 bld. 20 pal. 9)

Andi i lei a di lesi pisi u Bëibel u di wiki aki di nama ku Jehovah Gadu, ku di peleikiwooko, nasö andi da wan woto soni di i feni?

- Lesipisi u Bëibel: (na pasa 4 min.) Ke 20:1-18 (5)

**MBEI MÖITI U KO TOON WAN MÖÖN BUNU PELEIKIMA**

- Fëlön u di u tu pasi te joo go baka: (5 min.) Takimakandi. Pëë di fëlön, nöö baka di dë, buta dee hakisi aki da dee haikama: Unfa di peleikima bi heepi di sëmbe faa bi sa sa fusutan di tükisi möön bunu? Unfa di soni aki da wan bunu soni di u sa du te woo toona go a wan sëmbe baka di kë sabi möön soni?
- Di u tu pasi di joo toona go baka: (na pasa 3 min.) Du ën kumafa a sikifi a di pisi „Fasi fa u sa bigi wan takimakandi”. (4)
- Bëibel studie: (na pasa 5 min.) bh bld. 38 pal. 19, 20 (3)

**DI LIBI FUU KUMA KEESITU SĒMBĒ**

- Kanda 111
- Di fasi fa soni bi waka a di diniwooko di jaa di pasa: (15 min.) Wan taki di wan gaanwomi o hoi. Te i lesi di biifi di di bëikantoo manda ko, di ta taki unfa soni bi waka a diniwooko a di jaa di pasa, nöö buta hakisi da wantu peleikima di i bi hakisi a fesi, u de konda woto di ta lei fa soni bi waka bunu da de a di peleikiwooko a di jaa di pasa dë.
- Kemeente Bëibel-lei: (30 min.) jy-SR woto 105
- Soni di di fesima o taki a kaba u di komakandi (na pasa 3 min.)
- Kanda 119 ku begi


KENESESI 20, 21 | Hii juu Jehovah ta du andi a paamusi



**21:1-3, 5-7, 10-12, 14**

Jehovah bi mbei Abahamu ku Sala feni gaan bunu u di biibi u de hedi, u di a bi mbei Sala pai wan womi mii. Bakaten, di piki di de bi ta piki Gadu buka di tesi bi ta miti de, bi lei unfa de bi ta biibi dee soni tjika dee Jehovah bi paamusi de da di ten di ta ko.



 Unfa di piki di mi ta piki Jehovah buka te tesi ta miti mi, ta lei taa mi ta biibi dee soni dee Jehovah paamusi u da di ten di ta ko? Unfa mi sa mbei di biibi u mi ko möön taanga?

